

宣講引證

幼丹沈葆楨題箋




風陵文庫

文庫19

F142

/





光緒紀元銀

宣講引證

閩省圖講
總圖藏板

三山吳玉田鐫

康熙九年行部頒發

十八年通行直省

二十五年發營土司

三十九年發學宮

五十二年諭直省老人

雍正二年頒廣訓 廣訓序

三年議准歲科覆試恭默

七年奏准設講約所選約正值月

宣講引證卷一目次

宣講引證

目次

乾隆五年 諭教養

八年 諭宣化

九年 修申明亭

十一年 議准曉諭番民

嘉慶十三年 遵 旨會議宣讀

道光十九年 諭擬四言韻文

三十年 諭教官講習

咸豐元年 奏准府州縣試正場恭默

同治元年 諭宣講

二年 復諭宣講
欽定六論文 順治九年

聖諭廣訓十六條

聖諭廣訓注解書目

宣講引證在事職名

宣講引證凡例

宣講引證卷二目次

聖諭第一條 敦孝弟以重人倫釋義

會典二則

敦孝弟以重人倫廣訓衍引證

宣講引證卷三目次

聖諭第二條 篤宗族以昭雍睦釋義

會典一則

篤宗族以昭雍睦廣訓衍引證

聖諭第三條 和鄉黨以息爭訟釋義

會典一則

和鄉黨以息爭訟廣訓衍引證

聖諭第三條 重農桑以足衣食釋義

會典二則

重農桑以足衣食廣訓衍引證

宣講引證卷四目次

聖諭第五條 尚節儉以惜財用釋義

尚節儉以惜財用廣訓衍引證

宣講引證卷五目次

聖諭第六條 隆學校以端士習釋義

會典五則

隆學校以端士習廣訓衍引證

宣講引證卷六目次

聖諭第七條 黜異端以崇正學釋義

黜異端以崇正學廣訓衍引證

宣講引證卷七目次

聖諭第八條 講法律以儆愚頑釋義

會典二則

大清律例節錄一百零八條

聖諭第九條 明禮讓以厚風俗釋義

會典三則

明禮讓以厚風俗廣訓衍引證

宣講引證卷八目次

聖諭第十條 務本業以定民志釋義

會典一則

務本業以定民志廣訓衍引證

宣講引證卷九目次

聖諭第十一條 訓子弟以禁非為釋義

訓子弟以禁非為廣訓衍引證

宣講引證卷十目次

宣講引證

目次

聖諭第十二條 息誣告以全善良釋義
息誣告以全善良廣訓衍引證

宣講引證卷十一目次

聖諭第十三條 誠匿逃以免株連釋義
誠匿逃以免株連廣訓衍引證

聖諭第十四條 完錢糧以省催科釋義

會典一則

完錢糧以省催科廣訓衍引證

宣講引證卷十二目次

聖諭第十五條 聯保甲以弭盜賊釋義

會典二則

聯保甲以弭盜賊廣訓衍引證

宣講引證卷十三目次

聖諭第十六條 解讎忿以重身命釋義

會典一則

解讎忿以重身命廣訓衍引證

跋文

宣講引證

目次

五

康熙九年禮部奉

上諭朕惟至治之世不專以法令為務而以教化為先其時人心醇良風俗樸厚刑措不用比屋可封長治久安茂登上理蓋法令禁於一時而教化維於可久若徒恃法令而教化不先是舍本而務末也近見風俗日敝人心不古囂凌成習僭濫多端狙詐之術日工獄訟之興靡已或豪富凌轢孤寒或劣紳武斷鄉曲或惡衿出入衙署或蠹棍詐害善良萑苻之劫掠時聞讐忿之殺傷疊見陷羅法網刑所必加誅之則無知可憫宥之則憲典難寬念茲刑辟之日繁良由化導之未

宣
卷一
卷一
卷一

<p>會典一 備錄十六</p>	<p>會典一 備錄十六</p>
---------------------	---------------------

善朕今欲法古帝王尙德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尙節儉以惜財用隆學校以端士習黜異端以崇正學講法律以儆愚頑明禮讓以厚風俗務本業以定民志訓子弟以禁非爲息誣告以全良善誠窩逃以免株連完錢糧以省催科聯保甲以弭盜賊解讐忿以重身命等項作何訓迪勸導及作何責成內外交武該管官督率舉行爾部詳察典制定議具奏遵旨議准應將特頒上諭通行曉諭八旗包衣佐領並直省督撫轉行府州縣鄉村人等切實遵行務使軍民咸

知尙德緩刑之至意

康熙十八年

浙江巡撫將

上諭十六條衍說輯爲直解繕冊進呈通行直省督撫照依奏進鄉約全書刊刻各款分發府州縣鄉村永遠遵行

康熙二十五年議准

上諭十六條合直省督撫轉行提鎮等官曉諭各該營伍將弁兵丁併頒發土司各官通行講讀

康熙三十九年議准直省奉行

欽頒

上諭十六條每月朔望地方官宣讀講說化導百姓今士子亦

應訓飭恭請

御製教條直省學宮每月朔望令儒學教官傳集該學生員

宣讀訓飭務令遵守如有不遵者責令教官并地方官

詳革從重治罪

康熙五十二年議准直省老人慶祝

萬壽聖節

賜宴後恭奉

上諭應載入十六條內照例講解

諭直省老人帝王治天下發政施仁未嘗不以養老尊賢爲務
今日之會特出此意若孝弟之念少輕而求移風易俗其所
厚者薄矣爾等皆是老者比回鄉井各曉諭鄰里須先孝弟
倘天下皆知孝弟爲重此誠移風易俗之本也昨甘霖大沛
朕心歡悅爾等無負農時速回本地

雍正二年

御製

聖諭廣訓萬言頒發直省督撫學臣轉行該地方文武各官暨

教職衙門曉諭軍民生童人等通行講讀

雍正二年二月二日

御製

聖諭廣訓序

書曰每歲孟春適人以木鐸徇於路記曰司徒修六禮以節民性明七教以興民德此皆以敦本崇實之道為曠民覺世之橫法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠共成親遜

之風永享昇平之治故

特頒上諭十六條曉諭八旗及直省兵民人等自綱常名教之條以至於耕桑作息之閒本末精麤公私鉅細凡民情之所習皆

睿慮之所周視爾編氓誠如赤子

聖有謨訓明徵定保萬世守之莫能易也朕纘承大統臨御兆人以

聖祖之心為心以

聖祖之政為政夙夜匪懈率由舊章惟恐小民遵信奉行久而

或怠用申誥誠以示提撕謹將

上諭十六條彙釋其義推行其文共得萬言名曰

聖諭廣訓旁徵遠引往復周詳意取顯明語多直樸無非奉先志以啓後人使羣黎百姓家喻而戶曉也願爾兵民等仰體聖祖正德厚生之至意勿視爲條教號令之虛文共勉爲謹身節用之庶人盡除夫浮薄囂陵之陋習則風俗醇厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

雍正三年議准歲科兩試覆試童生令其默寫

聖諭廣訓一條

雍正七年奏准直省各州縣大鄉大村人居稠密之處俱設立講約之所於舉貢生員內揀選老成者一人以爲約正再選樸實謹守者三四人以爲值月每月朔望齊集鄉之耆老里長及讀書之人宣讀

聖諭廣訓詳示開導務使鄉曲愚民共知鼓舞向善至約正值月果能化導督率行至三年著有成效督撫會同學臣擇其學行最優者具題送部引見其誠實無過者量加旌異以示鼓勵其不能董率怠惰廢弛者卽加黜罰如

地方官不實力奉行者該督撫據實參處

乾隆五年

奉

上諭從來爲治之道不外教養兩端然必衣食足而後禮義充故論治者往往先養後教朕御極以來日爲斯民籌衣食之源水旱之備所期溥海烝黎蓋藏充裕俯仰有資以爲施教之地而解愠阜財之效尙未克副朕懷第思維皇降衷有物有則衣食以養其身教化以復其性二者相承而不相妨不容偏廢正如爲學之道知先行後然知行並進非割然兩時

判然兩事又安得謂養之之道未裕遂可置教化爲緩圖也今學校徧天下山陬海澨之人無不挾詩書而遊庠序顧學者徒以文藝弋科名官司以課試爲職業於學問根本切實用功所在概未暇及司牧者盡心於簿書筐篋或進諸生而譚舉藝則以爲作養人材振興文教其於閭閻小民則謂是蚩蚩者不足以興教化平時不加訓迪及陷於罪則執法以繩之無怪乎習俗之不醇而詬誶囂陵之不能禁止也朱子云聖人教人大概只是說孝弟忠信日用常行的話人能就上面做將去則心之放者自收性之昏者自著此言探立教

本源至爲切實蓋心性雖民之秉彝而心爲物誘則放性爲欲累則昏存心養性非知道者不足幾若夫事親從兄則家庭日用人人共由孩提知愛少長知敬又人人同具不待勉強要之堯舜之道不外乎是卽如得一食必先以食父母得一衣必先以衣父母此卽是孝能推是心而凡所以順其親者無不至則爲孝子父之齒隨行兄之齒雁行此卽是悌能推是心而凡所以敬其長者無不至則爲悌弟一人如此人倫明於上小民親於下又曰人人親其親長其長而天下平

是道也惟在上者不爲提撕警覺則習而不察而一時之明不勝夫積習之漸染重昏錮蔽日入於禽獸而不自知任君師之責者奚忍不急爲之重申而切諭之也我

聖祖仁皇帝頌

聖諭以教士民首崇孝弟

皇考世宗憲皇帝術爲廣訓往返周詳已無遺蘊但朔望宣講祇屬具交口耳傳述未能領會不知國家教人字字要人躬行實踐樸實做去人倫日用正是聖賢學問至切要處堯舜之世比戶可封只是能盡孝弟放僻邪侈觸陷法網只爲不

知孝弟記曰將爲善思貽父母名必果將爲不善思貽父母惡名必不果誠能如此存心豈復有縱欲妄行之事苟不從此處切實做起雖誦讀詩書高談性命直謂之不學可耳凡有牧民課士之責者隨時隨事切實訓誨有一事之近於孝弟則從而獎勸之一事之近於不孝不弟則從而懲戒之平時則爲之開導遇事則爲之剖晰如此則親切而易入將見父詔兄勉日積月累天良勃發率其良知良能以充孝弟之實藹然有恩秩然有義豫順積於家庭太和翔於宇宙親遜成風必從此始凡吾赤子其敬聽諸凡厥司牧其敬奉諸

乾隆八年奉

上諭國家子惠黎元教養由來並重朕君臨天下宵旰維勤重農桑輕徭賦所以養民者惟恐不周至於正人心厚風俗皆國之大務尤所時廛於懷者凡中外臣工莫不諄切誠諭務使民間習尙馴良訟獄衰息以漸臻風移俗易之效乃數年以來民風仍未還醇習俗每輕犯法豈小民之不可牖迪歟抑牧令之教化不浹而德意未孚也古者朝廷之政象魏懸書閭里之教月吉讀法三物六行匪徒具文我

聖祖仁皇帝聖諭十六條飭紀敦倫型方正俗精義超越前古

世宗憲皇帝萬言廣訓益加詳明剴切開導所以牖民覺世者至矣使地方有司竭誠宣布雖甚愚頑誰無天性亦必洗心滌慮革薄從忠駸駸於上理無如實力奉行者甚少卽朔望宣講不過在城一隅附近居民聚集觀聽者僅數十百人而各鄉鎮間有講約之所亦多日久廢弛全無實際至所奉諭旨有關於教民者亦惟張挂告示視爲通行之常例焉能使之悅耳革心翻然悔悟是以尙氣輕生狃於性成作奸犯科常爲俗染及其怙終不悛而刑罰隨其後朕甚憫之夫守令者民之父母古所稱忠信之長慈惠之師惟本至誠惻怛之

意以感動愚民使之各自警省又能隨時隨事委曲勸誘諒無有不可化誨之人亦無往而非敷施之地卽聽訟一端兩造具在鄰右親族齊集公庭正百姓耳目所屬推誠曉諭最易提撕不徒現犯者各自愧悔并使旁觀者亦因此傳播交相勸勉若公事稍暇或講讀編審或勸課農桑卽或單車簡從親歷鄉村遇父老子弟獎其善良懲其不率申之以勸誠示之以榮辱循謹者益加鼓舞卽強悍者亦知戒懲漸摩日久性情和順貪利好勝之心不作一道回風之盛可幾矣惟是百姓以守令之行事爲觀感守令以督撫之意指爲從違

宣講引證 卷一
為督撫者果能董率所屬留心化導實力奉行日計不足月計有餘斷未有為其事而無其功者若徒視為虛文接到諭旨轉行牌示遂以為已經遵奉則亦何益之有各省督撫等受朕深恩畀以封疆重寄尙其儆惕黽勉以無負朕諄諄誥誡之至意

乾隆九年覆准現在所有申明亭俱行修整應將所奉教民

勅諭繕寫刊刻敬謹懸挂並將舊有一切曉民條約悉行刊刻木榜俾郡邑士民瞻仰傳誦共遵

聖化永沐

皇仁再查申明亭舊制凡不孝不弟及一切為惡之人書其姓名於亭能改過自新者則夫之應仍照舊制遵行

乾隆十一年議准三齊等三十六寨番民歸隸茂州管轄應於該寨適中地方設立講約處一所每月朔望該州暨儒學等官輪流前往督率在城約正帶同通事至該寨傳集番民宣講

聖諭廣訓其整飭地方利弊文告及律例仍擇取數條繙譯講解務令家喻戶曉咸知畏法

嘉慶十三年大學士會同禮部遵

旨會議御史史積中所奏宣讀

聖諭廣訓一摺除令地方大吏考覈及八旗都統遵照二條業蒙

聖明指示各應欽遵辦理毋庸再議外至該御史所奏請鄉會試二場添默

聖諭廣訓一條雖爲薄海士子熟習起見惟是

聖諭廣訓生童自暑年讀書咸應服習故於入學時令其默寫蓋欲其童而習之涵濡日深立法已爲周備各士子等

惟當身體力行自徵實效似不必於鄉會兩試重立默寫之條至於府縣兩試及院試均屬考試童生院考時既定例恭默則府縣兩試不必再令重默再查國子監現行學規凡每月朔望令八旗教習率官學生赴監當堂背誦

聖諭廣訓生疏者卽行申飭仍令該教習等每遇試期於官學生內年歲稍長者詳細講究俾共知曉等語是旗人自幼亦無不講讀者所有該御史奏請令教習朔望講課一節既係現行之條亦毋庸議

宣諭引登 卷一 上
道光十九年十月三十日內閣奉

上諭前據署兩江總督陳鑾署江蘇巡撫裕謙江蘇學政祁寯藻奏請飭下儒臣敬謹推闡

聖諭廣訓內黜異端以崇正學一條擬撰有韻之文頒發各省當經降旨著翰林院敬謹擬撰茲據掌院學士等進呈四言韻文一篇候朕親定詳加披閱足以闡明

聖訓啓迪愚蒙著禮部即頒行各直省學政恭書刊刻徧頒鄉塾俾民間童年誦習激發良知涵育薰陶風俗蒸蒸日上朕實有厚望焉

道光三十年十二月十二日內閣奉

上諭陸建瀛奏請崇正學以黜邪教等語近來邪教流傳蔓延各省始不過焚香斂錢煽惑愚民漸至聚眾滋事總因地方官平日化導無方民間父兄師長又不能隨時訓迪俾顯蒙服教畏刑不致為邪說所惑我

皇考曾命儒臣恭闡

聖諭廣訓黜異端以崇正學一條編撰四言韻文頒行各省啟發愚氓朕思性理諸書均為導民正軌著各直省督撫會同各該學政轉飭地方官及各學教官於書院家塾教授生徒

均以

御纂性理精義

聖諭廣訓爲課讀講習之要使之家喻戶曉禮義廉恥油然而生斯邪教不禁而自化經正民興庶收實效各該督撫等務當實力奉行毋得視爲迂濶具文日久生懈則風俗人心蒸蒸日上朕實有厚望焉將此通諭知之

咸豐元年禮部遵

旨議奏兩江總督陸建瀛片奏歲科試生員正場經策改用性理論覆試用經策取進童生覆試亦改爲經文一道性

理論一道府州縣童生頭場卽默寫

聖諭廣訓百餘字等因生員歲科考之用經文及策卽鄉試二三場所用俾練習於平日免致生疏既不可廢而生童考試之有覆試藉以辨別真僞以定升降去取舊例亦未可改查學政按考各屬正場之前有考試經古一場生童中有能讀濂洛關閩之書者由學報明送考試以性理論一篇其府縣考覆試應以一場專考性理論又生員貢監各項考試均應默寫

聖諭廣訓百餘字文章事同一體如所請行自咸豐三年歲科

考為始府州縣一體遵照

同治元年十二月十五日內閣奉

上諭自來儲才養士必視學校為盛衰我朝

列聖相承庠序修明敦崇實學

皇考文宗顯皇帝御極之初即命生童就試者兼習性理等書
原冀其趨向一端則學術自正以收化民成俗之效乃近
來各省教職等官並不實力奉行認真訓課惟知索取贄
禮修儀貪得無厭又其甚者往往干預地方公事並或遇
事魚肉士子詔諛紳富又安望其經明行修足為士林表

率耶嗣後各省學政務當整躬率屬督飭各教官讀書立
品毋為士子所輕平時訓導諸生總以躬行實踐為歸勿
崇尚浮華勿虛應故事其稱職者准其學政會同督撫隨
時保奏給予獎勵如關冗充數及少年浮動不克舉職者
並着隨時甄劾不必待至大計年分庶知自愛爭自濯磨
並飭各教官分日於各該處城鄉市鎮設立公所宣講
聖諭務使愚頑咸化經正民興正學昌明人材蔚起實有厚望
焉

同治二年十二月二十日內閣奉

上諭國子監司業馬壽金奏請慎簡學官以崇教化一摺自來化民成俗必資學校之振興上年十二月間曾明降諭旨令各省學政督率各學教官讀書立品訓導諸生並隨時宣講

聖諭以期經正民興共臻上理茲據馬壽金奏稱近來地方大吏於州縣之賢不肖尙能據實薦劾而於教職一官則獎未齒及老邁戀棧而過於優容年少輕浮而不加甄劾以致爲是官者頹廢自甘不知振作請飭各省督撫詳加考察至宣講

聖諭尤爲化導之本並請飭令學臣實力奉行等語所奏不爲無見今大江南北漸就肅清一切撫綏安輯迭經降旨責成地方官吏妥爲辦理而教養兼施使百姓革面洗心不至再爲匪教邪說所煽惑學校之設尤關緊要着各省督撫學政於通省學官詳加考察罷其老邁斥其輕浮其品學兼優循循善誘者務當隨時獎勵以風其餘並着各省學臣督飭教官實力宣講

聖諭考其勤惰分別勸懲庶幾經明行修邪慝不作至書院義學亦培植人才之一助乃近來風氣延請者多徇私情爲

師者只圖修脯陋習相沿牢不可破並着各省地方官力除積弊勿徒遷就官紳務各延訪者碩以副敦崇實學至意

欽定六諭文 順治九年

孝順父母

恭敬長上

和睦鄉里

教訓子孫

各安生理

無作非爲

順治十六年議准設立鄉約申明六諭原以開導愚氓從前屢行申飭恐有司視爲故事應嚴行各直省地方牧民之官與父老子弟實行講究其六諭原文本明白

易曉仍據舊本講解其鄉約正副不應以土豪僕隸奸胥蠹役充數應會合鄉人公舉六十以上業經告給衣頂行履無過德業素著之生員統攝若無生員卽以素有德望六七十歲以上之平民統攝每遇朔望申明六諭并旌別善惡實行登記簿冊使之共相鼓舞

謹案嘉慶十四年復講約舊例以順治年間

欽定六諭文同

聖諭廣訓通飭各省

敦孝弟以重人倫

第一條

我

聖祖仁皇帝臨御六十一年法

祖尊

親孝思不匱

欽定孝經衍義一書衍釋經文義理詳貫無非孝治天下之意

故

聖諭十六條首以孝弟開其端朕丕承鴻業追維

往訓推廣立教之思先申孝弟之義用是與爾兵民人等宣示

之夫孝者天之經地之義民之行也人不知孝父母獨不思
父母愛子之心平方其未離懷抱飢不能自哺寒不能自衣
爲父母者審音聲察形色笑則爲之喜啼則爲之憂行動
則跬步不離疾痛則寢食俱廢以養以教至於成人復爲之授
家室謀生理百計經營心力俱瘁父母之德實同昊天罔極
人子欲報親恩於萬一自當內盡其心外竭其力謹身節用
以勤服勞以隆孝養毋博奕飲酒毋好勇鬪狠毋好貨財私
妻子縱使儀文未備而誠懇有餘推而廣之如曾子所謂居
處不莊非孝事君不忠非孝莅官不敬非孝朋友不信非孝

戰陣無勇非孝皆孝子分內之事也至若父有家子稱曰家
督弟有伯兄尊曰家長凡日用出入事無大小眾子弟皆當
咨稟焉飲食必讓語言必順步趨必徐行坐立必居下凡以
明弟道也夫十年以長則兄事之五年以長則肩隨之况同
氣之人乎故不孝與不弟相因事親與事長並重能爲孝子
然後能爲悌弟能爲孝子悌弟然後在田野爲循良之民在
行間爲忠勇之士爾兵民亦知爲子當孝爲弟當悌所患習
焉不察致自離於人倫之外若能痛自愧悔出於心之至誠
竭其力之當盡由一念孝弟積而至於念念皆然勿尙虛文

宣講引證 卷一 三
勿略細行勿沽名而市譽勿勤始而怠終孝弟之道庶克敦矣夫不孝不弟國有常刑然顯然之迹刑所能防隱然之地法所難及設罔知愧悔自陷匪僻朕心深為不忍故丁寧告誠庶爾兵民咸體朕意感發興起各盡子弟之職於戲聖人之德本於人倫堯舜之道不外孝弟孟子曰人人親其親長其長而天下平爾兵民其毋視為具文焉六百三十二字

篤宗族以昭雍睦

第二條

書曰以親九族九族既睦是帝堯首以睦族示教也禮曰尊祖故敬宗敬宗故收族明人道必以睦族為重也夫家之有宗族猶水之有分派木之有分枝雖遠近異勢疏密異形要其本源則一故人之待其宗族也必如身之有四肢百體務使血脈相通而疴癢相關周禮本此意以教民著為六行曰孝曰友而繼曰睦誠古今不易之常道也

聖

祖仁皇帝既諭爾等以敦孝弟重人倫即繼之曰篤宗族以昭雍睦蓋宗族由人倫而推雍睦未昭即孝弟有所未盡朕

宣講引證 卷一
三
爲爾兵民詳訓之大抵宗族所以不篤者或富者多吝而無解推之德或貧者多求而生觖望之恩或以貴凌賤而勢利泪其天親或以賤驕人而忿傲施於骨肉或貨財相競不念袒免之情或意見偶乖頓失宗親之義或偏聽妻孥之淺識或誤中讒慝之虛詞因而詬誶傾排無所不至非惟不知雍睦抑且忘爲宗族矣爾兵民獨不思子姓之眾皆出祖宗一人之身奈何以一人之身分爲子姓遽相視爲途人而不顧哉昔張公藝九世同居江州陳氏七百口共食凡屬一家一姓當念乃祖乃宗甯厚毋薄甯親勿疏長幼必以序相洽尊

卑必以分相聯喜則相慶以結其綢繆戚則相憐以通其緩急立家廟以薦烝嘗設家塾以課子弟置義田以贍貧乏修族譜以聯疏遠卽單姓寒門或有未逮亦各隨其力所能爲以自篤其親屬誠使一姓之中秩然藹然父與父言慈子與子言孝兄與兄言友弟與弟言恭雍睦昭而孝弟之行愈敦有司表爲仁里君子稱爲義門天下推爲望族豈不美哉若以小故而隳宗支以微嫌而傷親愛以侮慢而違遜讓之風以偷薄而虧敦睦之誼古道之不存卽爲國典所不恕爾兵民其交相勸勵共體祖宗慈愛之心常切水木本源之念將

見親睦之俗成於一鄉一邑雍和之氣達於溥海內外諸福
咸臻太平有象胥在是矣可不勗歟六百三十字

和鄉黨以息爭訟 第三條

古者五族爲黨五州爲鄉睦婣任恤之教由來尙矣顧鄉黨
中生齒日繁比閭相接睚眦小失狎昵微嫌一或不誠凌競
以起遂至屈辱公庭委身法吏負者自覺無顏勝者人皆側
目以里巷之近而舉動相猜報復相尋何以爲安生業長子
孫之計哉

聖祖仁皇帝憫人心之好競思化理之貴淳特布訓於鄉黨曰
和所以息爭訟於未萌也朕欲咸和萬民用是申告爾等以
敦和之道焉詩曰民之失德乾餱以愆言不和之漸起於細

宣
言
引
證
卷一
五
微也易訟之象曰君子以作事謀始言息訟貴絕其端也是
故人有親疏概接之以溫厚事無大小皆處之以謙冲毋恃
富以侮貧毋挾貴以凌賤毋飾智以欺愚毋倚強以凌弱談
言可以解紛施德不必望報人有不及當以情恕非意相干
當以理遣此既有包容之度彼必生愧悔之心一朝能忍鄉
里稱爲善良小忿不爭閭黨推其長厚鄉黨之和其益大矣
古云非宅是卜惟鄰是卜緩急可恃者莫如鄉黨務使一鄉
之中父老子弟聯爲一體安樂憂患視同一家農商相資工
賈相讓則民與民和訓練相習汎守相助則兵與兵和兵出

力以衛民民務養其力民出財以贍兵兵務恤其財則兵與
民交相和由是而簞食豆羹爭端不起鼠牙雀角速訟無因
豈至結怨耗財廢時失業甚且破產流離以身殉法而不悟
哉若夫巨室耆年鄉黨之望膠庠髦士鄉黨之英宜以和輯
之風爲一方表率而奸頑好事之徒或詭計挑唆或橫行嚇
詐或貌爲洽比以煽誘或假託公言而把持有一於此里閭
靡甯鄉論不容國法俱在爾兵民所當謹凜者也夫天下者
鄉黨之積也爾等誠遵

聖

祖之懿訓尙親睦之淳風孝弟因此而益敦宗族因此而益

篤里仁為美比戶可封訟息人安延及世世協和徧於萬邦
太和烝於宇宙朕與爾兵民永是賴焉六百五字

尚節儉以惜財用 第五條

生人不能一日而無用即不可一日而無財然必留有餘之
財而後可供不時之用故節儉尚焉夫財猶水也節儉猶水
之蓄也水之流不蓄則一洩無餘而水立涸矣財之流不節
則用之無度而財立匱矣我

聖祖仁皇帝躬行節儉為天下先休養生息海內殷富猶兢兢
以惜財用示訓蓋自古民風皆貴乎勤儉然勤而不儉則十
夫之力不足供一夫之用積歲所藏不足供一日之需其害
為更甚也夫兵丁錢糧有一定之數乃不知樽節衣好鮮麗

食求甘美一月費數月之糧甚至稱貸以遂其欲子母相權
日復一日債深累重飢寒不免農民當豐收之年倉箱充實
本可積蓄乃酬酢往來率多浮費遂至空虛夫豐年尙至空
虛荒歉必至窮困亦其勢然也似此之人國家未嘗減其一
日之糧天地未嘗不與以自然之利究至啼飢號寒困苦無
告者皆不節儉所致更或祖宗勤苦儉約日積月累以致充
裕子孫承其遺業不知物力艱難任意奢侈誇耀里黨稍不
如人卽以爲恥曾不轉盼遺產立盡無以自存求如貧者之
子孫并不可得於是寡廉鮮恥靡所不至弱者餓殍溝壑強

者作慝犯刑不儉之害一至於此易曰不節若則嗟若蓋言
始不節儉必至嗟悔也爾兵民當凜遵

聖

訓繹思不忘爲兵者知月糧有定與其至不足而冀格外之
賞孰若留有餘以待可繼之糧爲民者知豐歉無常與其但
顧朝夕致貧窶之可憂孰若留貯將來爲水旱之有備大抵
儉爲美德甯以固陋貽譏禮貴得中勿以驕盈致敗衣服不
可過華飲食不可無節冠婚喪祭各安本分房屋器具務取
樸素卽歲時伏臘斗酒娛賓從俗從宜歸於約省爲天地惜
物力爲朝廷惜恩膏爲祖宗惜往日之勤勞爲子孫惜後來

之福澤自此富者不至於貧貧者可至於富安居樂業含哺
鼓腹以副朕阜俗誠民之至意孝經有曰謹身節用以養父
母此庶人之孝也爾兵民其身體而力行之六百四
十三字

隆學校以端士習 第六條

古者家有塾黨有庠州有序國有學固無人不在所教之中
專其督率之地董以師儒之官所以成人材而厚風俗合秀
頑強懦使之歸於一致也我

聖祖仁皇帝壽考作人特隆學校凡所以養士之恩教士之法
無不備至蓋以士為四民之首人之所以待士者重則士之
所以自待者益不可輕士習端而後鄉黨視為儀型風俗由
之表率務令以孝弟為本材能為末器識為先文藝為後所
讀者皆正書所交者皆正士確然於禮義之可守惕然於廉

宣講引登 卷一
恥之當存唯恐立身一敗致玷宮牆惟恐名譽雖成負慙衮
影如是斯可以爲士否或躁競功利干犯名教習乎異端曲
學而不知大道騫乎放言高論而不事躬行問其名則是考
其實則非矣昔胡瑗爲教授學者濟濟有成文翁治蜀中子
弟由是大化故廣文一官朕特飭吏部悉以孝廉明經補用
凡以爲興賢育才化民成俗計也然學校之隆固在司教者
有整齊嚴肅之規尤在爲士者有愛惜身名之意士品果端
而後發爲文章非空虛之論見之施爲非浮薄之行在野不
媿名儒者在國卽爲良臣所係顧不重哉至於爾兵民恐不

知學校之爲重且以爲與爾等無與不思身雖不列於庠序
性豈自外於倫常孟子曰謹庠序之教申之以孝弟之義又
曰人倫明於上小民親於下則學校不獨所以教士兼所以
教民若黌宮之中文武並列雖經義韜畧所習者不同而入
孝出弟人人所當共由也士農不異業力田者悉能敦本務
實則農亦士也兵民無異學卽戎者皆知敬長愛親則兵亦
士也然則庠序者非爾兵民所當隆重者乎端人正士者非
爾兵民所當則倣者乎孰不有君臣父子之倫孰不有仁義
禮智之性勿謂學校之設止以爲士各宜以善相勸以過相

規向風慕義勉爲良善則氓之蚩蚩亦可以禮義爲耕耘起
起武夫亦可以詩書爲甲冑一道同風之盛將復見於今日
矣六百三十四字

黜異端以崇正學 第七條

朕惟欲厚風俗先正人心欲正人心先端學術夫人受天地
之中以生惟此倫常日用之道爲智愚之所共由索隱行怪
聖賢不取易言家以養正聖功以之書言無偏無頗無反無
側王道以之聖功王道悉本正學至於非聖之書不經之典
驚世駭俗紛紛籍籍起而爲民物之蠹者皆爲異端所宜屏
絕凡爾兵民愿謹淳樸者固多閒或迷於他歧以無知而罹
罪戾朕甚憫之自古三教流傳儒宗而外厥有仙釋朱子曰
釋氏之教都不管天地四方只是理會一箇心老氏之教只

是要存得一箇神氣此朱子持平之言可知釋道之本指矣
自游食無藉之輩陰竊其名以壞其術大率假災祥禍福之
事以售其誕幻無稽之談始則誘取貲財以圖肥己漸至男
女混淆聚處爲燒香之會農工廢業相逢多語怪之人又其
甚者奸回邪慝竄伏其中樹黨結盟夜聚曉散千名犯義惑
世誣民及一旦發覺徵捕株連身陷囹圄累及妻子教主已
爲罪魁福緣且爲禍本如白蓮聞香等教皆前車之鑒也又
如西洋教宗天主亦屬不經因其人通曉歷數故國家用之
爾等不可不知也夫左道惑眾律所不宥師巫邪術邦有常

刑朝廷立法之意無非禁民爲非導民爲善黜邪崇正去危
就安爾兵民以父母之身生太平無事之日衣食有賴俯仰
無憂而顧昧恆性而卽匪彝犯王章而干國憲不亦愚之甚
哉我

聖祖仁皇帝漸民以仁摩民以義藝極陳常煌煌大訓所以爲
世道人心計者至深遠矣爾兵民等宜仰體

聖心祇遵

聖教擯斥異端直如盜賊水火且水火盜賊害止及身異端之
害害及人心心之本體有正無邪苟有主持自然不惑將見

品行端方諸邪不能勝正家庭和順遇難可以成祥事親孝
事君忠盡人事者即足以集天庥不求非分不作非為敦本
業者即可以迓神慶爾服爾耕爾講爾武安布帛菽粟之常
遵蕩平正直之化則異端不待驅而自息矣六百四十字

講法律以儆愚頑 第八條

法律者帝王不得已而用之也法有深意律本人情明其意
達其情則囹圄可空訟獄可息故懲創於已然不若警惕於
未然之為得也周禮州長黨正族師皆於月吉屬其民而讀
法大司寇縣象刑之法於象魏使萬民觀之知所向方今國
家酌定律例委曲詳明昭示兵民俾各凜成憲遠於罪戾意
甚厚也

聖祖仁皇帝深仁厚澤洽於兆民而於刑罰尤惓惓致意朕臨
御以來體好生之德施欽恤之恩屢頒赦款詳審爰書庶幾

大化翔洽刑期無刑又念爾爲民者生長草野習於顛蒙爲
兵者身隸戎行易逞強悍每至誤觸王章重干憲典因之特
申訓誡警醒愚頑爾等幸際昇平休養生息均宜循分守禮
以優游於化日舒長之世平居將頒行法律條分縷析講明
意義見法知懼觀律懷刑如知不孝不弟之律自不敢爲蔑
倫亂紀之行知鬪毆攘奪之律自不敢逞囂凌強暴之氣知
奸淫盜竊之律自有以遏其邪僻之心知越訴誣告之律自
有以革其健訟之習蓋法律千條萬緒不過準情度理天理
人情心所同具心存於情理之中身必不陷於法律之內且

爾兵民性縱愚頑或不能通曉理義未必不愛惜身家試思
一蹈法網百苦備嘗與其宛轉呼號思避罪於箠楚之下何
如洗心滌慮早悔過於清夜之闇與其傾貲蕩產求減毫末
而國法究不能逃何如改惡遷善不犯科條而身家可以長
保倘不自警省偶罹於法上辱父母下累妻孥鄉黨不我容
宗族不我齒卽或邀恩倖免而身敗行虧已不足比於人數
追悔前非豈不晚哉朕聞居家之道爲善最樂保身之策安
分爲先勿以惡小可爲有一惡卽有一法以相治勿以罪輕
可玩有一罪卽有一律以相懲惟時時以三尺自凜人人以

宣
五刑相規懼法自不犯法畏刑自可免刑匪僻潛消爭競不
作愚者盡化為智頑者悉變為良民樂田疇兵安營伍用臻
刑措之治不難矣六百三十二字

明禮讓以厚風俗 第九條

漢儒有曰凡民函五常之性而其剛柔緩急音聲不同繫水土之風氣故謂之風好惡取舍動靜無恆隨厥情欲故謂之俗其間瀟瀟厚薄難以強同奢儉質文不能一致是以聖人制為禮以齊之孔子曰安上治民莫善於禮蓋禮為天地之經萬物之序其體至大其用至廣道德仁義非禮不成尊卑貴賤非禮不定冠婚喪祭非禮不備郊廟燕饗非禮不行是知禮也者風俗之原也然禮之用貴於和而禮之實存乎讓子曰能以禮讓為國乎何有又曰先之以敬讓而民不爭使

宣講可語 卷一
徒習乎繁文縟節而無實意以將之則所謂禮者適足以長其浮僞滋其文飾矣夫禮之節文爾兵民或未盡習禮之實意爾兵民皆所自具卽如事父母則當孝養事長上則當恭順夫婦之有倡隨兄弟之有友愛朋友之有信義親族之有款洽此卽爾心自有之禮讓不待外求而得者也誠能和以處眾卑以自牧在家庭而父子兄弟底於肅雍在鄉黨而長幼老弱歸於親睦毋犯囂凌之戒毋蹈縱恣之愆毋肆一念之貪遂成攘奪毋逞一時之忿致啓紛爭毋因貧富異形有蔑視之意毋見強弱異勢起迫脅之心各戒澆漓共歸長厚

則循於禮者無悖行敦於讓者無競心藹然有恩秩然有義黨庠循序相率爲俊良農工商賈不失爲醇樸卽韜鈴介冑之士亦被服乎禮樂詩書以潛消其剽悍桀驁豈非太和之氣大順之徵乎書曰謙受益滿招損古語又曰終身讓路不枉百步終身讓畔不失一段可知禮讓之有得而無失也如此朕願爾兵民等聆

聖祖之訓而返求之於一身爾能和其心以待人則不和者自化爾能平其情以接物則不平者亦孚一人倡之眾人從之一家行之一里效之由近以及於遠由勉以至於安漸仁摩

宣讀引證 卷一
義俗厚風淳庶不負諄諄告誡之意哉 五百九十九字

務本業以定民志 第十條

朕惟上天生民必各付一業使爲立身之本故人之生雖智愚不同強弱異等莫不擇一業以自處居此業者皆有本分當爲之事藉以有利於身藉以有用於世幼而習焉長而安焉不見異物而遷焉此孟子之所謂恆產卽

聖祖仁皇帝之所謂本業也維茲本業實爲先務凡爲士農爲工商以及軍伍業雖不同而務所當務則同也夫身之所習爲業心之所向爲志所習既專則所向自定書曰功崇惟志業廣惟勤蓋業與志本相須而成也但恐日久而生厭舍舊

而圖新或爲浮言所動或因際遇未通一念游移半途而廢作非分之營求生意外之妄想究之朝夕營營不恆其德資生寡策歷久無成而志遂以荒而業遂以廢矣夫業每荒於嬉而必精於勤志貴奮於始而尤勵於終朕樂觀爾之成不忍見爾之廢也爲士者謹身修行矻矻窮年服習詩書敦崇禮讓退爲有本之學進爲有用之才爲農者春耕秋斂不失其時撙節愛養不愆於度先事以備水旱如期而輸稅糧使地無餘利人無餘力工則審四時飭六材日省而月試居肆而事成商則通有無權貴賤交易而退各得其所務體公平

勿蹈欺詐若夫身列行陣行陣卽其業也弓馬騎射操練之必精步伐止齊演習之必熟屯田則事墾闢守汛則嚴刁斗備邊則險要之宜知防海則風濤之宜悉庶幾無負本業矣夫天下無易成之業而亦無不可成之業各守乃業則業無不成各安其志則志無旁騖毋相侵擾毋敢怠荒甯習於勤劬勿貪夫逸樂甯安於樸守勿事乎紛華熙熙然士食舊德農服先疇工利器用商通貨財兵資捍衛各盡乃職各世其業上以繼祖宗之傳下以緜子孫之緒富庶豐亨游於光天化日之下以仰答

聖祖誥誠之殷懷以克副朕休養之至意顧不共享其福歟百六
字

訓子弟以禁非為 第十一條

從來教萬民訓子弟黨正族師月吉讀法歲時校比師田行
役則合卒伍而簡兵器朝夕告誡人知自愛不敢偶蹈於非
休哉何風之隆歟我

聖祖仁皇帝臨御六十一年宏保赤之仁廣教家之治深恩厚
澤休養生息以至於今朕纘承大統仰體

聖祖子惠元元之心無日不以爾百姓為念尤無日不以爾百
姓之子弟為念也人生十年曰幼學二十曰弱冠血氣未定
知識漸開訓導懲戒之方莫切於此大凡子弟之率不謹皆

由父兄之教不先所恃爲父兄者啓其德性遏其邪心廣其器識謹其嗜好至於愛親敬長之念人所固有爾父兄誠能明示其訓俾知父子有親君臣有義夫婦有別長幼有序朋友有信以端其本則大倫明而干紀犯分之咎自鮮矣夫士農工商各有傳業軍士之家世習技勇其人之淑慝邪正必自爲子弟之日始語云少成若天性習慣成自然民間非爲之事漸漬成風或游手好閒博奕飲酒或結納匪類放僻邪侈往往陷溺而不悟甚者羅法網犯刑章爾爲父兄者獨能晏然而已乎與其追悔於事後孰若嚴訓於平時蓋行莫重

於孝第力田心必存於禮義廉恥可模可範以身教之耳提面命以言教之使子弟見聞日熟循蹈規矩之中久之心地淳良行止端重可以寡過而保家卽可以進德而成材也且庭訓素嫻子弟克肖則國家賓興令典自致顯揚旣光大爾門閭又垂裕爾後昆父兄俱與有榮焉卽使愚魯不敏而服教安化刑辱不及於厥躬鄉黨咸稱爲良愿一家之休祥孰大於是況今日之子第又爲將來之父兄積善相承誨迪不倦將見戶興禮讓人敦孝義自通都大邑以至窮鄉僻壤太平之象與國俱長庶不虛朕殷殷期勗之至意矣夫好善則

閭閻子弟可致尊榮苟不善則公卿子弟流爲卑賤義方之
教切磋之功可不豫嚴於蒙穉之年乎爾兵民其敬聽之毋
忽六百二
十五字

息誣告以全善良 第十二條

國家之立法所以懲不善而儆無良豈反爲奸民開訐告之
路而令善良受傾陷之害哉夫人必有切膚之寃非可以理
遣情恕者於是鳴於官以求申理此告之所由來也乃有奸
宄不法之徒好事舞文陰謀肆毒或捏虛以成實或借徑以
生波或設計以報宿嫌或移禍以卸己罪顛倒是非混淆曲
直往往飾沈寃負痛之詞逞射影捕風之術更有教唆詞訟
者以刀筆爲生涯視訟獄爲兒戲深文以冀其巧中構釁而
圖其重酬鄉里畏之名曰訟師因而朋比協謀黨惡互證有

司或一時受蔽致使善良之輩不能自白桁楊在前箠楚在後鍛煉之下何求不得縱至事明冤雪而拖累困苦小則廢時失業大則蕩產破家善良之被誣可憫而兇頑之誣善良尤可痛恨也

聖祖仁皇帝矜恤下民重懲其弊

頒示訓諭有曰息誣告以全善良夫誣告有反坐之條令甲煌煌乃敢作奸犯科而不畏者利慾薰心詭薄成性方且恣其含沙之毒僥倖於法網之寬殊不知無情之辭一經審察莫可逃避造孽以傾人究之布阱以自陷亦何利之有嘗聞古

人或認牛而不辨或奪羊而不爭卒開愧悔之誠翻成禮讓之美若斯之風誠可嘉尙爾兵民所當景效焉且尋繹

聖

諭不曰禁而曰息謂與其治之以法不如感之使自化也蓋官吏之見聞或疏疏則猶煩揣測鄉鄰之耳目最近近則素所稔知爲之抉其根株窮其黨類出於無心者緩語以曉之成於有意者危言以誡之彼善良之家素行足以質之里閭而無愧而誣告之人言辭既非情實迫於公論則不敢誣揆諸本心亦不忍誣凡前此之陰謀祕計一旦悚然改悔如冰消霧釋兵不誣兵而兵之善良者全民不誣民而民之善良

者全兵民不相爲誣而兵民舉全不至赴官終訟兩造俱傷
庶幾從風慕義胥天下而歸於無訟豈不休哉尙其咸喻而
凜遵焉六百九十

誠匿逃以免株連 第十三條

朕撫臨億兆合四海爲一家聯萬姓爲一體中外旗民本無
異視第以國初定制八旗人員在內則拱衛京師在外則駐
防各省如有不奉使令潛往他鄉者卽爲逃人例有嚴禁逃
人所至之地兵民人等不行覺察擅自容留者罪并及之按
匿逃情弊大約不外兩端凡在逃之人意氣言詞必多巧飾
爾等或受其欺罔不辨爲逃人而率意容留者有之或利其
財物明知爲逃人而通同隱匿者有之夫主僕之間乃大義
所在逃人背主蔑義窩逃者黨不義而藐王章逃者恃匿者

宣
言
可
言
卷一
三
以爲之藪也法安得恕故順治五年之例窩逃者問擬大辟
並籍其家鄰佑十家等皆徙邊遠康熙十五年定例凡窩逃
之正犯流徙尙陽堡兩鄰十家長罪止杖徒此皆我

聖祖皇帝矜惜愚民罪疑惟輕故改從寬典也又屢年恩詔將
逃人事件概行赦免國家施法外之仁寬督捕之罰無非欲
爾兵民革薄從忠遷善改過使蓬門華戶出入優游共享太
平無事之福爾兵民等其仰體

聖祖誥誠之慈懷與朕諄諭之至意謹身率教循理奉公不交
游手無藉之徒不爲行險僥倖之事毋徇私情而干國憲毋

貪微利而忘身家如此則井里晏然四鄰安堵胥吏不擾雞
犬無驚而國家刑期無刑之化亦可以觀厥成矣倘因法網
既寬復蹈故轍營私受賄藏惡養奸則自取其辜何能曲宥
況夫逃竄之人性既冥頑又無生理所行種種不端大而盜
賊小而賭博一經發覺皆犯科條容留之家又安能脫然事
外不罹罪譴耶周易曰比之匪人不亦傷乎晏子曰君子居
必擇鄰所以避患也可知奸猾浮蕩之流皆足爲善良之累
朕願爾等艾誠其子兄誠其弟隊長誠其行伍鄉約誠其比
閭祇奉訓詞各遠非義則地方甯謐俗厚風淳又何患株連

宣講引證 卷一
之偶及哉五百九十字

完錢糧以省催科第十四條

自昔畫野分州任土作貢而賦稅以興凡國之五禮百度輸用出入皆賴焉此君所必需於民下所宜供於上古今通義未之或改且以制官祿所以治我民以給兵餉所以衛我民以備荒歉所以養我民取諸天下還爲天下用之人主之倉廩府庫豈厲民而以自養耶我朝自定鼎以來賦額悉準經制且橫征私派一切革除未嘗絲毫多取於民溯

聖祖仁皇帝深仁厚澤豢養斯民六十餘年時以閭閻豐裕爲念所蠲免錢糧何止百千萬億遐邇之霑被固已淪肌浹髓

宣講引證 卷一
矣夫緩征薄斂加惠元元君之德也以下奉上先公後私民之職也屬在兵民宜喻此意勿惰而嬉荒其本業勿奢而費耗其貲財勿逡巡觀望冀邀賜復之殊恩勿轉委輸將致被豪猾之中飽依限而納毋待追呼然後以其所餘養父兄畢婚嫁給朝夕供伏臘縣庭有卧治之官村巷無夜呼之吏俯仰無累妻孥晏然其爲安樂莫踰於此儻不知國課之當重國法之難寬或有意抗違或任意遲緩有司迫奏銷之限不得不嚴追比胥役受鞭撻之苦不得不肆誅求剝啄叩門多方需索無名之費或反浮於應納之數而究竟所未完者仍

不能爲爾寬貸不知何樂而爲此夫供胥役之侵漁曷若輸朝廷之正供爲抗糧之頑戶曷若爲守法之良民人雖至愚亦必知之況乎上好仁而下好義情屬一體爾試思廟堂之上所日夜憂勞者在於民事水溢則爲隄防旱魃則爲虔禱蝗蝻則爲撲滅幸不成災則爾享其利不幸成災則又爲之蠲租爲之賑濟如此而爲民者尙忍逋賦以誤國需問之於心亦何以自安譬人子於父母分產授業以後必服勞奉養庶盡厥職乃父母恩勤顧復不遺餘力而爲子者自私其財缺甘旨而違色養尙得謂之人子乎朕用是諄諄告誡但願

爾兵民上念軍國下念身家外有効忠之名內受安享之實
官不煩而吏不擾何樂如之爾兵民清夜自思其咸體朕意
六百四
十一字

聯保甲以弭盜賊 第十五條

從來安民在於弭盜摘發守禦之法必當先事而爲之備故
緝捕有賞疏縱有罰諱盜有禁違限有條而最善者莫如保
甲十家爲甲十甲爲保甲有長保有正設立簿册交察互警
此卽井田守望之遺制所以

聖祖仁皇帝上諭曰聯保甲以弭盜賊誠欲使四海九州閭閻
安堵澄本清源

聖慮實爲周切矣第恐遵行旣久遂至因循吏則徒稽戶籍民
則僅置門牌而於聯比糾察之法未見實心奉行以至勾引

窩藏之弊種種而生鄰舍失事竟有如秦越之相視富家被劫反指爲悖出之當然甚且假公濟私藉盤詰之虛名滋無厭之苛求汎防因而騷擾胥吏緣以生奸有保甲之名無保甲之實有保甲之累無保甲之益此盜賊之所以難弭也夫良法之有利於民在奉行之必求其實嗣後城市鄉村嚴行保甲每處各四分保每保各統一甲城以坊分鄉以圖別排鄰比戶互相訪聞一甲之中巨室大戶僮佃多至數百此內良否本戶自有責任若一厘一舍之散布村落者有業無業或良或否里正保正得以微窺於平素一出一人得以隱察

其行蹤遇有不務恆業羣飲聚博鬪雞走狗夜集曉散以及履歷不明蹤迹可疑者皆立爲糾舉不許暫容甲內其荒原古廟鬧肆叢祠尤易藏奸更宜加緊防察至汎地兵丁務必晝夜巡邏一體查詰毋借端生事毋挾仇陷害毋受賄賂而狗縱毋惜情面而姑容協力同心輪流分派則盜賊無容身之地軍民享安靜之樂矣查昔人禦盜之法村置一樓樓設一鼓一家有失擊鼓爲號羣起而守其要害盜賊將安所逃所謂寓兵法於保甲中也若夫江海出沒之區有未可以保甲行者舟楫往來絡號聯踪彼此互相稽查匪類亦難藏匿

皆在實心奉行先事而為之備若視為具文怠忽從事至於
被盜者失財連坐者受累不惟負朕息盜安民之至意亦甚
非爾等保身保家之良策也六百二
十八字

解讐忿以重身命 第十六條

朕惟人道莫大於守身民之有身所以務本力田養父母而
畜妻子兵之有身所以嫻習伎勇資扞衛以報朝廷身為有
用之身則皆當自愛乃生人氣質之偏不能變化往往血氣
用事至一發而不可遏激怒崇朝竟成莫解互相報復兩敗
俱傷其起甚微而為害甚大不念爰書抵罪一定之律雖國
家法網甚寬亦不能為殺人者施法外之仁

聖祖仁皇帝訓諭十六條而終之以重身命誠哀矜憐惻之至

意也夫天地以好生為心而惻惻之倫不自顧惜人君以愛

養爲政而蚩蚩之眾每至輕生非釁起於夙昔之讐卽禍生於一朝之忿强者恃膂力之剛殺人亡命弱者希抵償之罪赴水投繯忿以成讐讐而益忿原其致此之由固非一端而兵民所易犯者尤多於縱酒蓋酒之爲物能亂人心志使失其故常或賓主酬酢始以合歡而俱入醉鄉則一言不合至操刀而相向或睚眦之怨本可冰釋及酒酣耳熱則一發難忍若不共之深仇每見刑曹命案相傷於酒後者十有五六噫置身縲紲家破人亡甚或累及妻孥禍延鄉黨而後捫心自悼悔何及矣自今以往皆當敬聆

聖諭時時提醒思讐與身孰重毋追既往之讐而昧將來之患思忿與命孰輕毋快目前之忿而貽事後之悔縱人或以非禮相加似難含忍然一念夫身命攸關則從父兄訓誨聽親友調和無不可情恕理遣至酒之爲害尤宜深戒古之人旣立之監或佐之史蓋唯恐載號載呶亂籩豆而起爭端也其可沈涵荒腆致陷身於刑戮乎語有之忍之斯須乃全爾軀故解去讐忿則全生保家之道胥在於此養其和平消其亢戾不待排難解紛而凌競之習自然息化何其風之醇也孔子曰忿思難孟子謂橫逆猶是此亦妄人也已矣聖賢之遺

訓典

聖祖仁皇帝之明諭固千古同揆也凡爾兵民凜遵毋忽則閭閻相保營伍相安下以承家上以報國優游盛世共躋仁壽之域非解警忿之明效歟六百四十四字

注解書目

教民恒言一卷 國朝魏裔介撰裔介字石生柏鄉人順治丙戌進士官保和殿大學士諡文毅是書衍聖論十六條為通俗之詞以訓愚蒙前列講約二圖四庫子部存目上諭直解一卷 康熙十一年范承謨謹撰承謨字觀公饒黃旗漢軍順治壬辰進士官福建總督諡忠貞是書為承謨撫浙時所刻以通俗之言引伸十六條首立總論以次按條分釋其第八條讀法律內參引十五條各律例為證後永嘉縣令楊吉祥復梓給講生

聖諭圖像衍義二卷 康熙四十二年李來章恭衍來章字禮山本名灼然以字行襄城人康熙乙卯舉人官廣東連山縣令是書做明臣呂坤實政錄宗約歌二書體例分爲六款一圖像二演說三事宜四律例五俗歌六徭訓爲來章莅任時延見民徭父老諭以恪遵聖諭功令親爲宣講所刻也連民僅七邨外此皆徭民徭戶因以徭訓終之

聖諭宣講儀注一卷 康熙四十四年李來章恭撰來章旣成衍義一書復以規度未立儀注未定人地未當嚴

肅未彰一應條目稍有未備謹列儀注四款一在城宣講一在鄉宣講一在館宣講一在排宣講連山徭戶日排來章嘗紀其習俗爲八排風土記

聖諭宣講鄉保條約一卷 康熙四十四年李來章恭撰首列圖位一幅次信誓四款告示一通次記善簿記惡簿悔過簿和處簿各式終以簿式跋言凡八則

聖諭衍義三字歌俗解一卷 康熙四十五年李來章恭衍兼解本宋儒用鄉音發揮大義及粵人區適子三字經例復於衍義中抽出三字俗歌一款雜以土音自

爲注解頒發民徭俾相口授

上諭講解一卷 康熙五十三年覺羅滿保恭釋滿保字亮

山藏洲人康熙甲戌進士官福建巡撫是書爲撫閩

時所刻恭就十六條逐一詮釋開多參論閩省習俗

其各條後皆引古事數則爲證闕第十三條未引上

各書齋峰
書院藏本

聖諭廣訓清漢書一卷 乾隆三年奉

旨頒發各直省廣爲傳習每行國書居中旁注以楷 武英
殿藏板

聖諭廣訓直解二卷 咸豐年間刻首列

廣訓萬言字數及道光三十年

諭學致轉飭各學教官教授生徒一則其每條後釋

廣訓以通俗之語與范承謨解

聖諭同例 家藏
本

聖諭像解二十卷 咸豐六年廣州坊賈集資重鐫是書乃

康熙二十年江南繁昌縣令梁延年編輯延年既詳

釋靳文襄公輔所著

上諭十六箴復做養正圖解人鏡陽秋例摹繪古人事迹於

十六條後俾婦孺不識文字者觸目警心每條首釋

聖諭大意較范本通俗之詞稍加文飾第一條分爲五卷曰
敦孝圖二十四則曰敦弟曰重君臣之倫曰重夫婦
之倫曰重朋友之倫各圖十四則自六卷至二十卷
次列十五條按條分卷各圖十二則其第十三條專
採奴僕忠叛事各圖後事以類附或止取一節或備
書全傳並爲解說勝朝事迹間亦摭入蓋本
世祖章皇帝御極首講洪武寶訓亦監於夏殷意也
聖諭廣訓衍一卷 黃州書坊藏板 福建巡撫徐宗幹官山左時奉頒本原
名衍義同治元年重鐫於福州首列

御製廣訓序各條目下注一行字未錄全文惟本

廣訓之意釋以里語與直解詞旨大略相同 福州刻字坊藏板

聖諭十六條衍義一卷 謝晉撰晉字日三常熟人雍正甲

辰舉人明通榜進士官碭山教諭乾隆二十二年

高宗純皇帝幸吳越晉年八十餘迎道側以是書進之
頒賜緞一端並復其子祖庚知縣 見湖海文傳語

金筴颺言三卷同治二年 內閣中書楊浚所撰

首卷恭輯 康熙九年同治二年

上諭部文諸條次卷恭輯

欽定各文與

聖諭廣訓同頒行者三卷恭輯

聖諭廣訓釋義及恭讀

聖諭廣訓賦十三篇 本宅恭撰

宣講引證

校正

內

閣

中

書

楊 銘

翰

林

院

編

修

潘炳年

翰

林

院

庶

吉

士

王崑辰

翰

林

院

庶

吉

士

陳崑齡

吏

部

主

事

沈詠彤

員

外郎

衙戶部

江南司

主

事

鄭福臻

兵

部

主

事

何嵩祺

宣講引證

卷一

三

刑部奉天司主事	吳宣璣
工部員外郎	陳欽銘
知府銜前江西甯都直隸州知州	陳喬榮
同知銜前浙江總捕分府	高福康
四品銜湖北卽用知縣	馬逢亨
大挑江西試用知縣	陳拱暉
大挑山西試用知縣	林齊璇
六品銜孝廉方正署延平府學教授	余廣勳
候選教諭	鄭馨

總覆校	選用	道	陳景曾
三品銜前署浙江按察使補用	道	林聰彝	
校對	六部	學	習員外
湖	南	候	補
候	選	同	知
候	選	同	知
壽甯	甯	縣	學
教諭	謝	鼎	

宣講引證 卷一

庚

中書銜前署嘉義縣學教諭	許文璧
五品銜大挑二等前署詔安縣學教諭	廖驤
前署南平縣學教諭	齊履仁
舉人	林啓
舉人	何春材
候選訓導優貢	陳琪
候選訓導優貢	謝銘勳
閩縣學廩生	薛尚忠
閩縣學廩生	黃連璧

長樂縣學廩生	陳祖乾
長樂縣學附生	李鴻琛
校錄	
監生	黃振昌
宣講生	彭鑾
宣講生	劉齊棠
宣講生	朱維藩
五品銜	李瑞春
五品賢裔	陳永瑞

宣講一登 卷一 完

職

編輯

宣

監梓

職

職

員 吳道樓

生 戴 奎

員 戴 璧

員 戴 軫

講

宣講引證凡例

一正文均照徐樹人中丞奉頒

廣訓衍茲按段參以引證使講者不易窮而聽者亦不易厭

一逆格言曰引舉古人事實曰證以示有別

一宣講

聖諭煌煌大典本不應徵引雜事奈勸化愚民非此不能入耳
便不能入心

國家為化民而設使民聽者津津有味咸知遵守若不入心
竟屬虛文故參以引證庶無褻瀆之嫌

一事實訓戒涉於譏刺時事天堂地獄陰司輪迴報應語頭以及見載釋道經典者概置不錄但本卷中有一二條涉及鬼神者係確實可考如馬孝廉之間神應尙書之聞鬼黔道士之邪術白阿狗之逆倫俱已紀載善書視其事足爲人勸戒也故錄之

一引證俱從行世諸書錄出故按條載明在某某書示不敢臆撰庶免無稽之咎

一孝弟人之根本本立而道生故

聖諭十六條以孝弟聞其端茲本卷於第一條引證獨詳

一第十三條

誠 匪逃以免株連 奎 讀書有限美無故實今取意義與 正文 稍有相合者錄之

一近世塾師多悞子弟人家多慢師長而溺女火葬停棺私宰耕牛以及淫惡鴉片賭博等弊尤編民所易犯茲將塾師悞子弟人家漫師長附入第六條

隆學校以端士習內溺女火葬停棺私宰耕牛附入第五條 尙節儉以惜財用內淫惡附入第十條

務本業以定民志內鴉片賭博附入第十一條

訓子弟以禁非爲內以資兼勸

一第八條

講法律以警愚頑未錄古人事實訓戒謹將

大清律例中視與 十六條相合者採摘附末以資警戒

一古人之事實訓戒不能一一盡錄總在講者臨時生發隨機添設凡有關世道人心之言皆可參入卽照引證中亦當有聲有色委曲鋪張如照字讀字則已之講人之聽者兩不興會矣

一宣講卽古之讀法也或有指之曰不急之務且以迂腐目

之噫事雖近於迂腐理甚切乎根本蓋人之心虛靈不昧爲人欲所蔽則有時而昏任其隨波逐流彼將忘返而不覺偶罹刑章便遭法網是不教而誅也夫天下孰無可化之人哉卽山陬海澨之區愚夫愚婦之性能發其至情至理未有不聳動其天良况中人乎孟子曰人倫明於上小民親於下其信然矣

一宣講在鄉爲急務蓋鄉野愚蒙見聞不廣且未諳

王法其過犯多出無知如就其病而藥之則茅塞頓開易知嚮往孟子曰經正則庶民興庶民興斯無邪慝矣誠哉斯言

也

一宣講效驗雖非人所能見而善言入耳目覺提撕但王道無近功總當持其堅忍之心則聽聞憤熟日累月積如入芝蘭之室久而不聞其香雖未能驅而之善其必不敢為惡耳奎曾赴各鄉宣講有聞諭而改行者目擊數十人另著有宣講成效偶紀二卷此我

朝以仁孝治天下僻壤遐陬風同道一宣其然乎

宣講生戴 奎謹識

